

19 07 18

Ո Ր Ո Շ ՈՒ Մ

17-2-4114

Վարչական իրավախախտման գործով գանգատն առանց բավարարման, իսկ
որոշումն անփոփոխ թողնելու մասին

19.07.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր
Կարապետյանս, վերանայելով Գրիգոր Գրիգորյանի դիմումի շուրջ ստեղծված նյութերը,

Պ Ա Ր Զ Ե Ց Ի

2018թ. հունիսի 20-ին Երևան քաղաքի Ծովակալ Իսակով պողոտայի 46 շենքի 15
բնակարանի բնակիչ Գրիգոր Գրիգորյանը դիմումով հայտնել է, որ համաձայն չէ իր
նկատմամբ կայացված ԱԴ թիվ 605477 որոշման հետ, քանի որ բակային տարածք մտնելու
համար նշված տեղում հանդիպակաց հոսքերն իրարից բաժանվում են կետգծերով և ԱԴ թիվ
428740 որոշման հետ, քանի որ ավտոմոբիլը չամրակապված վիճակում վարելու համար
նախատեսված է զգուշացում, այլ ոչ թե վարչական տուգանք:

Դիմումի ուսումնասիրությամբ պարզվել է, որ 02.06.2018թ. ժամը 16.45-ին Երևան
քաղաքի Գրիբոյեդովի փողոցում քաղ.Գրիգոր Գրիգորյանի կողմից վարած «Միտսուբիշի»
մակնիշի 34 TN 377 հաշվառման համարանիշի ավտոմոբիլը կանգնեցվել է ճանապարհային
ոստիկանության ճՊԾ 1-ին սպայական գումարտակի 5-րդ սպայական դասակի տեսուչներ,
ոստիկանության մայոր Կ.Գևորգյանի և ոստիկանության ավագ լեյտենանտ Ա.Յակոբյանի
կողմից՝ ճեՎ-ի խախտման համար, այն է՝ վարորդը հատել է հանդիպակաց հոսքերն իրարից
բաժանող գծանշումը: Վարորդի նկատմամբ կազմվել է վարչական իրավախախտման
վերաբերյալ արձանագրություն և, համաձայն ՀՀ ՎԻՎ օրենսգրքի 124-րդ հոդվածի 2-րդ
մասի, կայացվել է ԱԴ թիվ 605477 որոշումը՝ 10.000 ՀՀ դրամ տուգանելու մասին:

2018թ. հուլիսի 16-ին ծանուցագրի միջոցով քաղ.Գրիգոր Գրիգորյանը ճանապարհային
ոստիկանության պետին հասցեագրված դիմումի քննարկմանը մասնակցելու նպատակով
հրավիրվել է ճՊ ճՊԾ բաժին, սակայն չի ներկայացել:

Ըստ տեսուչների գրավոր բացատրությունների՝ Երևան քաղաքի Գրիբոյեդովի փողոցում
նկատել են, որ «Միտսուբիշի» մակնիշի 34 TN 377 հաշվառման համարանիշի ավտոմոբիլը
հատեց հանդիպակաց հոսքերն իրարից բաժանող գծանշումը: Սահմանված կարգով
կանգնեցնելուց հետո տեսուչ Յակոբյանը մոտեցել է վարորդին, ներկայացել, հայտնել
կանգնեցման պատճառն ու պահանջել է փաստաթղթերը: Վարորդը չի ընդունել իր կողմից
իրավախախտում թույլ տալու փաստը՝ պատճառաբանելով, որ նշված հատվածում
ընդահատվող գծեր են: Վերջինս, մոտենալով հետադարձի վայր, ընդունել է հոծ գծերի
առկայության փաստը: Հաշվի առնելով, որ խախտումն եղել է ակնհայտ, պարզ տեսանելի և
տեսուչների տեսադաշտում՝ Գրիգոր Գրիգորյանի նկատմամբ կազմվել է վարչական
իրավախախտման վերաբերյալ արձանագրություն, որից հետո վերջինս ծանոթացել է դրա
բովանդակությանը, առանց պատճառաբանության նշել իր անպաշտոնական
ստանալով որոշման իր օրինակն ու փաստաթղթերը՝ հեռացել:

ՍԵՅՑ ԹԻՎ 739

Դիմումի ուսումնասիրությամբ պարզվել է նաև, որ 25.05.2018թ. քաղ.Գրիգոր Գրիգորյանն ավտոմոբիլը վարել է անվտանգության գոտին չամրակապած վիճակում, ինչի համար կազմվել է վարչական իրավախախտման վերաբերյալ արձանագրություն և, համաձայն ՎԻՎ օրենսգրքի 123.3-րդ հոդվածի, կայացվել է ԱԴ թիվ 428140 որոշումը՝ 5.000 ՀՀ դրամ տուգանելու մասին, քանի որ գործող օրենսդրությամբ որևիցե բացառություն նախատեսված չէ:

Համաձայն «ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի՝ ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.Գրիգոր Գրիգորյանի արարքում առկա է վարչական իրավախախտումների վերաբերյալ ՀՀ օրենսգրքի 123.3-րդ և 124-րդ հոդվածի 2-րդ մասով նախատեսված իրավախախտման զանցակազմերը, ուստի, ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի՝

1. Գրիգոր Գրիգորյանի դիմումը թողնել առանց բավարարման, իսկ ճանապարհային ոստիկանության ՃՊԾ 1-ին սպայական գումարտակի 5-րդ սպայական դասակի տեսուչ, ոստիկանության ավագ լեյտենանտ Ա.Հակոբյանի կազմած վարչական իրավախախտման արձանագրության հիման վրա 02.06.2018թ. կայացված ԱԴ թիվ 605477 որոշումը՝ Գրիգոր Գրիգորյանին տաս հազար դրամ տուգանելու մասին՝ անփոփոխ:
2. ճանապարհային ոստիկանության ուղեկցող սպայական վաշտի 3-րդ սպայական դասակի տեսուչ, ոստիկանության լեյտենանտ Կ.Սանուկյանի կազմած վարչական իրավախախտման արձանագրության հիման վրա 25.05.2018թ. կայացված ԱԴ թիվ 428140 որոշումը՝ Գրիգոր Գրիգորյանին հինգ հազար դրամ տուգանելու մասին՝ թողնել անփոփոխ:
3. Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:
4. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

**Ե.Կարապետյան**